

— 386 —

gehorsam weren umbe die schulde, so sū den juden soltin, gelicherwis als den juden. Vnd sprach zuo dem Matman. Luoge Matman, nu lit das ding an ūch, habent ir nu faste, vnd gelobent nieman nüt, so merdent ir lidig aller schulde, so ir den juden sönt vnd och ūwer bürgen. Gelobent aber ir üt, so müßent ir es gen. Do sprach der Matman, reden wir nu üt, so grifet man vns liht von der stat. Do sprach er, das bis ane forge, sage es dinen gesellen, vnd in andern zünften, wand werent sich von ieder zunft nwent vier oder fünf, es gat abe. Do gieng der Matman vnd besemnete vier bis fünf bidermanne, vnd sprach zuo den. Luogen ir herren, wönt ir faste han, vnd wönt nieman nüt geloben, so gat dis ding abe. Gelobent aber ir üt, so müßent irs gen. Do sprachen sū, vns füget nüt, wider den rat ze redende, man wiset vns für die stat. Do seite er in, das in der schultheis besendet hätte, vnd die rede mit im retti, vnd in och das hießi reden mit sinen gesellen vnd in andern zünften, reht als vorgeschriben stat, vnd me, gelobent sū üt, das müßent sū gen, oder man neme in das betti ab dem erse. Vnd giengen och die in ander zünfte von der rede wegen, vnd retten es da, des sich ir etlich faste wurden sperren ze gelobende dem rate. Vnd geschach bis alles des tages fruoge an dem morgen, da die zünfte nach dem imbis zefamen giengen, ze gelobende dem rate umbe die schulde. Doch het der rat kuntlich erfahren, von vil im rate vnd daros, zuo den er gieng, vnd bat, das sū ims hülfen han, so wölte och ers faste han, vnd anhaber darinne sin wider den rat. Vnd machet dise rede span vnder den zünften, do groß brest vnd parte von komen mohte, wand sich ließen vil daran, vnd sparten sich ze gelobende, denne das sū ir zunftmeister kome darzuo brahten. Es wart och heimlich zuo im geret, wie er tuon wölte mit der schulde, so er den juden solt. Do sprach er, er wölte nieman nüt gen. Do wart zuo ime gesprochen, wie er denne sin über wölte werden. Do sprach er, e daz ich ieman nüt gebe, ich würde bitter von bebelhein werden, das ist der der den loyst macht ze Kolmer über